

醫

醇

賸

義

序

秦有良醫曰和曰緩彼其望色辨候洞見膏肓
非所謂神靈詭異者歟乃其論針灸論湯藥三
言典要開啟後人又何其純粹以精也豈不以
疾病常有怪病罕逢惟能知常方能知變故於
命名之日早以和緩自任歟夫疾病雖多不越
內傷外感不足者補之以復其正有餘者去之
以歸於平是卽和緩也緩治也毒藥治病去其

五良藥治病去其七亦卽和法也緩治也天下
無神奇之法祇有平淡之法平淡之極乃爲神
奇否則眩異標新用違其度欲求近效反速危
亡不和不緩故也雄自束髮受書習舉子業東
塗西抹迄無所成遂乃決然舍去究心於靈素
諸書自張長沙下迄時彥所有著述並皆參覲
仲景箋平尚已其他各有專長亦各有偏執求
其純粹以精不失和緩之意者千餘年來不過

數人因思醫學至今蕪雜已極醫家病家目不
睹先正典型羣相率而喜新厭故流毒安有窮
哉救正之法惟有執簡馭繁明白指示庶幾後
學一歸醇正不惑殊趨爰將數十年所稍稍有
得而筆之於簡者都爲一集名曰醫醇共二十
四卷分爲六門曰脈症治首察脈次辨症次施
治此三者爲大綱就治字中又分三層曰理法
意醫有醫理治有治法化裁通變則又須得法

外意也乃災梨半載而烽火西來赤手渡江愁
苦萬狀棲身異地老病日增風雨之夕林木叫
號半壁孤燈青影如豆回首往昔如夢如塵良
足悲矣自念一生精力盡在醫醇一書欲再發
刻以大暢和緩之風而坊刻定本與家藏副本
盡付祝融求之二年不可復得昔人謂人生得
幾句文字流傳大關福命此言誠不我欺也近
因左足偏廢艱於步履坐卧一室益復無聊追

憶醫醇中語隨筆錄出不及十之二三兒子輩復請付梓予以並非全書不欲更災梨棗而門下士以爲雖非全豹亦見一斑且指迷處正復不少若并此湮沒則大負從前醫尚和緩之苦心矣勉從其請改題曰醫醇賡義而自序其巔末如此惟願閱是編者諒予之心悲予之遇匡其不逮而惠教之則幸甚

同治二年歲在癸亥仲春之吉武進費伯雄晉

卿氏題於古延陵之寓齋

李小湖先生題辭

訪費晉卿明經

伯雄

於武進之河莊卽吟

舟泊石橋灣水行變而陸巾車赴河莊隻輪轉
輾轉一路枷板聲納禾場已築烏下多白頸農
來尚赤足不放鋤柄空種麥秋雨沐西風忽戲
我吹帽墮巖麓驀然見嘉山上有參軍躅天使
步古賢催詩送題目村氓那得知獨造幽人屋

其二

瀆傳孟簡跡山被孟嘉名嘉山對黃山兩山夾
一城城爲備倭設濱江古屯兵江落沙洲拓幸
遠波濤驚五門不通櫂四至皆陸程鵬聚到今
日草草稱太平君家城南隅環堵出書聲別舍
咫尺相接病腊來千形仁心濟仁術不出慰蒼生
名士爲名醫倍洩山川靈

其三

入門未見君壁懸兩小影一坐紅豆村一招采

連艇自題南北曲優八元人境俗子但尋醫新
腔復誰領不破萬卷書安試藥三品由來藝通
道神悟到毫穎會稽名書家轉掩志高迥竟陵
號茶神風雅爲齒冷無怪閭畫師天子呼不省

其四

儒林與文苑千秋照簡編豈無藝術傳別表冠
世賢華陀許顓宗婦孺驚若仙本草三千味難
經八十篇格致卽聖學名與精神傳況用拯危

殆能奪造化權活人較良相未知誰後先莘渭
不巷遇徒手難問天孟城一匹夫所值蒙生全
日濟什百人功德歲萬千大哉農軒業託始堯
舜前

發凡

一是編先論病症隨載自製方後附成方非敢
僭越古人後先倒置欲令閱者先將病症及
治法了然於胸中然後再取古方一一參看
使知印證古人之處全不在拘執成法而亦
不離成法乃爲能自得師

一東垣丹溪一補陽一補陰實開兩大法門惟
升柴知柏非可常用故方中凡有此四味者

概不多錄後人但師其溫補脾胃及壯水養陰之法可也

一傷寒一門頭緒紛繁非數千百言所能盡集
隘故不復登

醫醇賸義目錄

卷一

脈法

四家異同

重藥輕投辨

同病各發

中風

中寒

暑熱濕

卷二

秋燥

火

勞傷

腦漏

鼻衄

齒牙出血

關格

卷三

咳嗽

痰飲

結胸

瘰癧

黃痺

三消

卷四

痿

痺

脹

下利

諸痛

三衝

醫醇賸義卷一

武進費伯雄晉卿甫著

男應蘭編次

孫

榮祖
承祖
紹祖

校字

晉卿脈法

脈乃命脈氣血統宗。氣能率血。氣行血從。

內經亦言血脈而氣在血先之義自見。並無語病。後人著脈經。遂謂脈爲血脈。氣往應之。其下文又云。脈不自行。氣動脈應先。

說氣應脈後說脈應氣尺幅之中自相悖
戾今特正之

右寸爲肺所以主氣百脈上通呼吸所繫左寸
爲心生血之經一氣一血賴以養形

天地之大用莫先於水火人身之至寶不
外乎氣血陰以抱陽陽以攝陰陰陽生長
互相爲根故兩寸又爲諸經之統領胸中
附右寸膻中附左寸此上以候上之義也

其在右關脾胃屬土倉庫之官水穀之府

右外以候胃內以候脾土爲萬物之母脾胃不敗則正氣猶存病家所以重胃氣也

其在左關肝膽之部風陽易動不宜暴怒

左外以候肝內以候鬲肝膽應春所以生長然風陽易動亢則爲害最宜善調

右尺命門釜下之火日用必需是可補助

經謂尺外以候腎尺裏以候腹五臟惟腎

有兩枚故兩尺不分左右皆屬於腎腹中則統命門大小腸膀胱皆在其中究竟不分配則混淆無主後人無所持循今將命門歸於右尺大腸隸之命門火衰便不能薰蒸脾土百病從此而生但宜善爲溫養不可過燥

左尺腎水性命之根與右尺火並號神門

腎歸左尺膀胱小腸隸之天一生水性命

之原尺脈有神縱有重恙猶能轉吉若兩尺敗壞決無生理

部位既明當知脈象切脈之時不宜孟浪以我中指先按關上前後二指寸尺相向

掌後高骨是名曰關先將中指正按關上再將前後二指平放寸尺之上人長排指宜疎人短排指宜密

脈有七診浮中及沉左右判別上陽下陰

寸脈浮取關脈中取尺脈沉取左與右卽
左右手分屬之臟腑上與下卽寸以候上
尺以候下也。

九候之法卽浮中沉三而三之分部推尋

浮以候寸中以候關沉以候尺是合寸關
尺爲三候也每部之中又各有浮中沉三
候是分寸關尺爲九候也。

別有一種名曰斜飛尺則猶是寸關相違。

斜飛之脈。尺部如常。關寸之脈。斜行透過高骨。一手如此者甚多。浮沉之間。與常脈稍異。

更有一種正位全無。反出關後。大象模糊。反關之脈。正位全無。反出關後。形如血管。大象至數不甚分明。畢竟反常之事。不足爲訓。診時尤宜善會。

男脈左大女脈右盛。男子寸強女子尺勝。

男爲陽女爲陰。故男脈左大女脈右大。男子寸盛尺虛陽勝陰也。女子尺盛寸虛陰勝陽也。

脈應四時。遞相判別。春弦夏洪。秋毛冬石。

春初發生。有枝無葉。故脈弦以象之。夏令繁盛。枝葉暢茂。故脈洪以象之。秋令肅清。草木黃落。故脈毛以象之。冬令閉藏。水冰堅凝。故脈石以象之。長夏屬土。則脈更宜

於和緩。

五臟之脈各部分見。先能知常方。能知變。

五臟之脈各有木象。反常則爲病。

心脈浮大。肺脈浮濇。肝脈沉弦。腎脈沉實。脾胃之脈和緩得中。右尺命火與心脈同。

舊說心脈之浮浮大而散。肺脈之浮浮濇而短。肝脈之沉沉弦而長。腎脈之沉沉實而濡。等語予竊有所未安。夫心爲君火。火

性炎上故脈宜浮。君火柔和故浮大而不
洪。數但用浮大二字。狀心脈最佳。若兼散
象則氣血虛脫疾不可爲矣。散字宜節去。
肺主氣故脈亦浮。其兼濇者氣多血少故
也。若兼短則氣病而爲肺害。短字宜節去。
肝脈沉弦固也。若長脈當候於寸尺不當
候於關上。長字宜節去。又云腎脈之沉沉
實而濡濡脈之象浮而且小與沉實相反。

斷不能相兼。濡字更宜節去。

臨診脈時。虛心靜氣。虛則能精。靜則能細。以心之靈。通於指端。指到心到。會悟叅觀。

切脈之道。全貴心靈。手敏活潑。潑地一片化機。方能因應。此在平日講求精切。閱歷既多。指下之妙。得之於心。不能宣之於口。實有此種境界。卽如六陽之脈。偏於浮大。其沉候卽在常脈之中。候不得謂之沉候。

全無也。六陰之脈偏於沉細。其浮候卽在常脈之中。候不得謂之浮。候全無也。又況病有新久。體有強弱。年有壯老。見症雖同。施治不一。化裁通變。則泛應各當矣。

脈來太過

外感爲病。脈來不及。內傷之症。

外感六淫。風寒暑濕。煉火也。其脈必有洪數。弦緊。滑大等象。內傷七情。喜怒憂思悲恐驚也。其脈必有細澹濡微弱小。芤散等。

象

人之大氣。積於胸中。呼吸出入。上下流通。呼出之氣。由心達肺。吸入之氣。肝腎相濟。

大氣積於胸中。所以統攝一身。呼出則由心達肺。吸入則由肝納腎。故論根氣則歸本於腎。而樞紐實在中州。

呼吸定息。遲數可別。一息四至。和平之極。五至爲常。亦無差忒。三至爲遲。遲乃寒結。二損一敗。

不可復活。六至爲數數。卽病熱。七至爲疾。熱甚危急。若八九至。陽竭陰絕。

一息四至。脈極和平。其謂五至無病。閏以太息者。是言四至中時多一至。乃人之息長。如三年一閏。五年再閏。非論一息五至之本脈也。其實一息五至。常人甚多。亦非病脈。惟三遲六數七疾。乃爲寒病熱病。其一二至與八九至。則爲陰絕陽絕。無從施

治

浮脈在上。輕按即得。肌膚之間。百不失一。沉脈在下。主裏。主陰。按至筋骨。受病最深。

浮脈屬陽。主表。沉脈屬陰。主裏。

浮沉遲數脈之大端四者。既明。餘脈詳看。浮遲表寒。浮數表熱。沉遲裏寒。沉數裏熱。餘可類推。

大綱秩然。條目宜審。滑濇虛實。亦爲要領。

浮沉以辨表裏。遲數以辨寒熱。是爲脈之
大綱。滑與澀。所以驗氣血之通塞。虛與實。
所以分邪正之盛衰。是爲脈之條件。脈症
雖多。不外乎此。故以下分爲八門。以總括
之。

浮脈上泛。如水漂木。輕取卽得。重按不足。其脈
如葱。輕平而空。浮沉俱有。但虛其中。如按鼓皮。
其名曰革。中沉俱空。陽亢陰竭。

浮脈爲陽。主一切表病。故脈在肌膚之間。芤主失血。中空者。氣不能攝血故也。革脈弦大而浮。故謂虛寒相搏。其實乃陰不抱陽。孤陽上浮。真陰下脫之象。

肌肉之下。其脈爲沉。重按乃得。病發於陰。弦大而沉。厥名曰牢。氣凝血結。濁陰混淆。沉極爲伏。三候如無。氣機閉塞。真陽已孤。

沉脈屬陰。主一切裏症。牢則多主畜血積。

聚。伏則氣分閉塞。清陽不能發舒。

遲脈爲寒。氣凝血滯。若損與敗。不可復治。遲而一止。其名曰結。氣血錯亂。兼主冷積。結雖時止。至數無常。代則有定。氣血消亡。

遲爲陰寒。氣不宜通。故至數艱緩。遲而時有一止。旋止旋還。並無定數。謂之結脈。乃氣血錯亂。寒氣積聚所致。若止不能還。兼有定數。便是代脈。四動一止。五六日死。兩

動一止三四日死也。

數脈爲熱。其陰必虛。若因風火。則爲有餘。熱甚則疾一息七至八九爲極。煩冤而死。數而一止。其脈爲促。多主肺癰。鬱熱陽毒。

數脈爲熱。不外虛實兩端。疾則熱甚而危。極則必無生理。促乃數而一止。亦無定數。熱鬱於中。故多肺胃之病。

滑脈主痰。亦主諸氣。氣盛痰多。往來流利。動脈

如豆。多見於關。若在寸尺。陰陽兩慳。

滑亦陽脈。痰氣盛。故往來流利。動脈多見
關部。若在寸爲陽動。主亡陽汗多。在尺爲
陰動。乃陰虛熱極。女子見於寸關。卽爲孕
娠。

澇爲血少。往來澇滯。血不養氣。艱難而至。

血少不潤。故往來艱澇。輕刀刮竹。如雨沾
沙。俱極形似。

虛脈如何。往來無力。浮中如常。沉候虧缺。濡脈浮小。如水漂棉。輕取無力。重按豁然。微脈更虛。有無之間。氣血虧損。病勢顛連。散脈無定。渙而不收。元氣將敗。如水浮漚。弱脈在下。似弦非弦。沉細而軟。不宜壯年。細則更沉。如髮如絲。行於筋骨。虛寒可知。短脈氣病。見於寸尺。不能滿部。真陽遏抑。

虛脈往來無力。三候俱有。而沉候實空。濡

脈小而且浮。浮中俱有。沉候如無。微則但有浮中。並無沉候。散則渙散無定。氣血皆脫之象。弱脈但有中沉兩候。浮候如無。細脈則更沉而且小。如一絲在筋骨之間。短則氣弱。真陽不能通暢。以上各脈皆由氣血虛弱。故彙在虛字門中。不附於浮沉兩部。

貫脈之來。三候有力。更大於牢。邪滯鬱結。洪脈

上湧與洪水同。泛泛不已。熱盛於中。大脈較濶。來剛去柔。正虛邪盛。病進可憂。弦脈勁直如張弓。弦木旺克土。痰飲連綿。弦而彈轉。其脈爲緊。爲寒爲痛。浮沉宜審。寸尺之脈。有時而長。過於本位。毗陰毗陽。

實脈三候有力。更大於牢。爲邪滯鬱結。洪則如湧如沸。邪熱熾盛。大則正虛病進。久病更危。弦爲肝之本象。木旺尅土。故主氣。

又主痰飲浮緊爲寒。沉緊爲痛。並爲氣病。長過於寸。則毗陽而亡陰。長過於尺。則毗陰而亡陽。又爲關格之徵。以上各種皆是實病。故彙入實字門中。不附別部。

惟有緩脈。悠悠揚揚。是爲胃氣。見之吉祥。別有一種。怠緩近遲。血虛氣弱。積濕可知。

緩者。從容和緩。所謂胃氣也。悠悠揚揚。意思欣欣。此八字。最能傳緩字之神。病家得

此定可無害。若怠緩無神。乃是濕病。不可不知。

一切病症。不外三因。何症何脈。辨之貴真。不能殫述。自可引伸。神而明之。存乎其人。

四家異同

仲景立方之祖。醫中之聖。所著傷寒金匱諸書。開啟屯蒙。學者當奉爲金科玉律。後起諸賢。不可相提並論。所謂四大家者。乃張子和。劉河間。

李東垣朱丹溪也。就四家而論。張劉兩家善攻。善散。卽邪去則正安之義。但用藥太峻。雖有獨到處。亦未免有偏勝處。學者用其長而化其偏。斯爲得之。李朱兩家一補陽一補陰。卽正盛則邪退之義。各有灼見。卓然成家。無如後之學者。宗東垣則詆訶丹溪。宗丹溪則詆訶東垣。入主出奴。膠執成見。爲可嘆也。殊不知相反實以相成。前賢並非翻新立異。卽發熱一症而論。仲景

謂凡熱病者皆傷寒之類也。故有桂枝麻黃等湯以治外感之發熱。至內傷之症。東垣則以甘溫治陽虛之發熱。丹溪則以苦寒治陰虛之發熱。各出手眼。補前人所未備。本隨症治症。未嘗混施。乃宗東垣者。雖遇陰虛發熱。亦治以甘溫。參芪不已。甚而附桂。宗丹溪者。雖遇陽虛發熱。亦治以苦寒。參麥不已。甚而知栢。此尚何異於操刃乎。非東垣丹溪誤人。不善學東垣丹溪白。

誤。以。誤。人。也。吾。願。世。之。學。者。於。各。家。之。異。處。以。求。其。同。處。則。辨。症。施。治。悉。化。成。心。要。歸。一。是。矣。

重藥輕投辨

無錫顧左。患中脘不舒。飲食減少。予診其脈。左關甚弦。右部略沉細。此不過肝氣太強。脾胃受制耳。乃出其前服方。則居然承氣湯。硝與黃各七八分。朴與實各五六分。方案自載。宗仲景法。重藥輕投。噫。人之好怪。一至此乎。予爲製抑木。

和中湯三劑而愈。今特申辨之。蓋三承氣湯有輕有重。原爲結胸大症而設。故用斬關奪門之法。救人於存亡危急之秋。非可混施於尋常之症也。今以脾胃不和之小恙。而用此重劑。彼蓋以大手筆自居。又恐藥力太猛。故將重藥減輕。用如不用。免得立見敗壞。以巧爲藏身耳。殊不知重藥既可輕投。何不輕藥重投。豈不更爲妥當乎。揣其意。不過以身負重名。若用尋常方法。

不。見。出。色。故。小。題。大。做。以。自。眩。其。奇。醫。家。敢。於。
以。藥。試。人。病。家。亦。甘。於。以。身。試。藥。此。風。日。起。流。
毒。無。窮。予。故。不。憚。煩。言。諄。諄。辨。論。以。爲。厭。故。喜。
新。者。之。明。戒。

抑木和中湯 自製

蒺藜 四錢

鬱金 二錢

青皮 一錢

廣皮 一錢

茅朮 炒一錢

厚朴 一錢

當歸 二錢

茯苓 二錢

白朮 一錢

木香

五分

砂仁

一錢

佛手

五分

白檀香

五分

同病各發

巧不離乎規矩。而實不泥乎規矩。岳忠武不深
究陣圖。以爲陣而後戰。本屬常法。然運用之妙。
在乎一心。尤以臨機應變爲要旨哉。言乎吾於
古方亦猶是已。眞珠母丸本許學士治游魂爲
變夜寐不安而設。予嘗以此方略爲加減。治三

種重。恙無不應手而效。蓋同病各發。見症雖異。而致病則同。化裁變通。於不執成見中。確有定見。斯頭頭是道矣。予非教人蔑古荒經。欲人師古人之意。而不泥古人之方。乃爲善學古人。且執古方以治今病。往往有冰炭之不入者。尤不可以不審也。

丹徒張姓女。患五心煩擾。自頭至腰。時時作顫。坐卧不安。予製馴龍湯。連服數十劑而愈。

馴龍湯 白製

龍齒 二錢

真珠母 八錢

羚羊角 一錢五分

杭菊 二錢

生地 六錢

當歸 二錢

白芍 一錢

薄荷 一錢

沉香 五分

續斷 二錢

獨活 一錢

紅棗 十枚

鈎藤 勾

四錢
後入

常州丁姓女。患驚悸氣促。喉舌作痛。予製馴龍馭虎湯。連服數十劑而愈。

馴龍馭虎湯 自製

龍齒 二錢

琥珀 一錢

眞珠母 八錢

生地 六錢

玉竹 四錢

瓜婁皮 三錢

石斛 三錢

柏子霜 二錢

白芍 一錢五分

薄荷 一錢

蓮子

二十粒 打碎勿去心

沉香

四分 人乳磨冲

無錫孫左身無他苦飲食如常惟徹夜不寐。問日輕重如發瘧然。豈載未愈。予診其脈左

關獨見弦數。餘部平平。因思不寐之症。共十三條。從無間日重輕之象。惟少陽受病。方有起伏。但少陽爲半表半裏之經。不進則退。安能久留。此實與厥陰同病。甲乙同源。互相膠結。故有起伏而又延久也。爲製甲乙歸藏湯。連服數十劑而愈。

甲乙歸藏湯

自製

真珠母

八錢

龍齒

二錢

柴胡

一錢
醋炒

薄荷 一錢

生地 六錢

歸身 二錢

白芍

一錢五分
酒炒

丹參 二錢

柏子仁 二錢

夜合花

二錢

沉香 五分

紅棗

十枚

夜交藤

四錢
切

中風

經曰。風者百病之長也。風性輕而善走。無微不入。其中人也。易其發病也。速故爲百病之長。人惟衛能掉外。營能固內。腠理秘密。毛竅不開。斯

賊風外邪無能侵犯。否則正氣一虛。外風乘間。伺隙由表入裏。而病亦由淺入深矣。衛氣不能捍外。則風入於肌肉。故手指麻木。而肌肉不仁。若是者。名曰中絡。營血不能固內。則風入於經脈。故身體重着。步履艱難。若是者。名曰中經。由此而深入。則爲中府。府者。胃府也。胃爲六府之長。職司出納。風入於胃。胃火熾盛。水穀之氣不生。津液而化痰涎。痰隨火升。阻塞靈竅。故昏不

知人也。由此而深入。則爲中臟。臟者。心。臟也。心體純陽。風性飈舉。風火上擾。神明散亂。故舌不能言。而口流涎沫。此偏枯症中。由淺入深之次第也。論治者。河間主火。東垣主氣。丹溪主痰。是因火召風。因氣召風。因痰召風。反以火氣痰爲主。而風往從之。標本倒置。誠如喻嘉言之所譏。蓋其人有火氣痰偏勝之處。因中於風。則有火者爲風。火有氣者爲風。氣有痰者爲風。痰風爲

主而火與氣與痰。乃與風合併交作。方爲標本。分明。惟侯氏黑散。填空竅。以堵截外風一節。後人每多誤解。以爲空竅之處。惟腸與胃。若將腸胃之空竅填塞。則水穀且不得通行。人將何以自立。若有形之水穀。仍能灌輸。則無形之邪風。豈反不能直走。蓄此疑者。不知凡幾。殊不思邪害空竅。內經已明明言之。所謂空竅者。乃指毛竅及腠理言之。故侯氏黑散中。用牡蠣礬石等。

收。瀦。之。爽。欲。令。腠。理。秘。密。毛。竅。固。閉。正。如。暴。寇。當。前。加。築。城。垣。以。堵。截。之。使。不。得。入。耳。非。欲。將。腸。胃。之。空。竅。一。併。窒。塞。也。只。因。誤。會。一。填。字。遂。將。空。竅。二。字。亦。一。齊。錯。解。故。特。爲。明。白。剖。析。庶。幾。積。惑。可。除。且。侯。氏。黑。散。中。尚。有。精。義。未。經。揭。出。再。爲。表。章。之。其。用。牡。蠣。礬。石。爲。堵。截。之。計。固。也。而。其。尤。要。者。則。在。於。收。瀦。歟。肝。使。在。內。之。肝。風。不。動。則。先。去。其。內。應。而。勾。結。之。患。除。雖。有。邪。

風○孤○立○無○援○亦○將○自○退○矣○因○思○保○障○靈○府○之○法○
無○如○治○脾○胃○以○實○中○州○脾○氣○旺○則○積○濕○盡○去○而○
痰○氣○不○生○胃○氣○和○則○津○液○上○行○而○虛○火○自○降○治○
病○大○法○無○過○於○斯○至○倉○猝○之○時○病○勢○危○急○則○又○
當○逆○而○折○之○雖○峻○猛○之○劑○不○得○不○隨○症○而○施○矣○

中絡

中絡者風入肌表。肌肉不仁。或手指足趾麻木。
加味桂枝湯主之。

加味桂枝湯 自製

桂枝 八分

白芍 一錢五分

甘草 五分

懷牛膝 二錢

川牛膝 一錢五分

當歸 二錢

蠶沙 四錢

秦艽 一錢

防風 一錢

紅棗 五枚
薑 三片

中經

中經者。風入經脈。身體重着。步履艱難。養血祛風湯主之。

養血祛風湯 自製

生地 五錢

當歸 二錢

白芍 一錢
酒炒

桂枝 六分

茯苓 三錢

白朮 一錢
酒炒

虎脰骨

一錢五分
炙續斷 二錢

獨活 一錢
酒炒

秦艽 一錢

牛膝 二錢

木香 五分

紅棗 十枚
薑 二片
桑枝 一尺

中府

風火熾盛。胃津不能上行。痰塞靈竅。昏不知人。

加味竹瀝湯主之。

加味竹瀝湯。自製

麥冬 二錢

石斛 三錢

羚羊角 一錢五分

橘紅 一錢

膽星 五分

殭蠶 一錢五分
炒

天麻 八分

淡竹瀝 半杯

薑汁一滴同沖服

中臟

心爲一身之主。風火上犯。則神明散亂。舌不能

言口流涎沫甚或神昏鼾睡面色油紅此爲難治姑擬清心飲以備救急之一法

清心飲 自製

牛黃 五分

琥珀 一錢五分

黃連 五分

丹參 三錢

遠志 五分

菖蒲 八分

橘紅 一錢

膽星 五分

麥冬 一錢五分

淡竹葉 二十張

中臟虛症四肢懈散昏不知人遺尿鼾睡此更

難治姑擬陰陽兩救湯以備一法。

陰陽兩救湯 自製

熟地 八錢

附子 三錢

人參 二錢

兔絲子

八錢 鹽水炒

枸杞

四錢

茯神

二錢

遠志

一錢 甘草水炒

乾河車

三錢 切

炮薑炭

一錢

煎濃汁時時飲之

口眼喎斜

足陽明之脈夾口環唇足太陽之脈起於目內

背胃有痰火。又風從太陽而來。兼擾陽明。故筋脈牽掣。而口眼喎斜也。消風返正湯。自製。

羌活 一錢

天麻 八分

蝎尾 五支

僵蠶 一錢五分

貝母 二錢

羚羊角 一錢五分

石斛 三錢

花粉 二錢

麥冬 二錢

黃荊葉 五張

半身不遂

氣虛者手足弛縱食少神疲不能步履黃芪九
物湯主之。

黃芪九物湯 自製

黃芪 二錢 防風 一錢 黨參 五錢 茯苓 二錢

白朮 一錢 鹿膠 一錢五分 獨活 一錢

牛膝 二錢 甘草 五分

大棗 二枚 薑 三片

血虛者筋節拘攣手指屈而不伸不能步履舒

筋通絡湯主之。

舒筋通絡湯 自製

生地 四錢

當歸 二錢

白芍

一錢五分
酒炒

川芎 一錢

枸杞 三錢

木瓜

一錢
酒炒

金毛脊

二錢
去毛切片

楮實子

二錢

川斷 二錢

獨活

一錢
酒炒

牛膝

二錢

秦艽

一錢

紅棗

十枚

薑

三片

桑枝

一尺

中風僵卧

氣血皆虛。手不能舉。足不能行。語言蹇澁。補真湯主之。

補真湯 自製

紫河車

二錢 乾切

熟地

五錢

附子

一錢

山萸肉

一錢 五分

當歸

二錢

白芍

一錢 五分 酒炒

茯神

二錢

丹參

二錢

遠志

五分 甘草水炒

麥冬

二錢

石斛

二錢

獨活

一錢 酒炒

牛膝

二錢

紅棗十枚
薑三片

附肝風

頭目眩暈肢節搖顫如登雲霧如坐舟中滋生
青陽湯主之

滋生青陽湯 自製

生地 四錢
白芍 一錢

丹皮 一錢五分

麥冬 一錢五分
青黛拌 石斛 二錢

天麻 八分

甘菊 二錢
石決 八錢

柴胡 八分
醋炒

桑葉 一錢

薄荷 一錢

靈磁石

五錢整 梔同煎

附腎風

頭目眩暈中心懸懸驚恐畏人常欲蒙被而卧。

滋腎息風湯主之

滋腎息風湯 白製

熟地

四錢

當歸

二錢

枸杞

三錢

羌活

四錢

甘菊

二錢

白朮

三錢

菴茶

三錢

天麻

八分

獨活

一錢
酒炒

紅棗

十枚

薑

三片

中風門諸方

侯氏黑散

治大風四肢煩重心中惡寒不足

菊花

四十分

白朮

十分

茯苓

三分

細辛

三分

牡蠣

三分

桔梗

八分

防風

十分

人參

三分

礬石

三分

黃芩

三分

當歸

三分

乾薑

三分

川芎

三分

桂枝

三分

共研爲末酒服一方寸七日三服禁一切辛
辣熱物六十日止則藥積腹中不下熱食卽
下矣

愈風丹 治諸風症偏正頭痛

羌活 一兩 細辛 一兩 甘菊 一兩 天麻 一兩

獨活 一兩 薄荷 一兩 何首烏 一兩

共研末煉蜜丸如彈子大每服一丸細嚼茶
清下

胃風湯 治虛風症能食手足麻木牙關急搐

目內蠕動胃風面腫

升麻

一錢二分

白芷

一錢二分

麻黃

一錢

葛根

一錢

當歸

一錢

蒼朮

一錢

甘草

一錢

柴胡

五分

羌活

五分

藁本

五分

黃柏

五分

草薢

五分

蔓荊子

五分

薑

三片

棗

一枚

薏苡仁湯

治中風手足流注疼痛麻痺不仁

難以屈伸

苡仁

三錢

當歸

一錢二分

芍藥

一錢二分

麻黃

五分

官桂

五分

蒼朮

一錢二分

甘草

八分

生薑

三片

排風湯

治風虛冷濕邪氣入藏狂言妄語精

神錯亂及五臟風發等症

防風 一錢 白朮 一錢 當歸 一錢 白芍 一錢

肉桂 一錢 杏仁 一錢 川芎 一錢 甘草 一錢

麻黃 一錢 白蘚皮 三錢 茯苓 三錢 獨活 三錢

薑 三片

人參補氣湯 治手指麻木

人參 二錢 黃芪 二錢 升麻 五分

柴胡 五分 白芍 五分 生甘草 五分

炙甘草 五分 五味子 五分

不加引

桂枝湯 治風從外來久客於絡留而不去此

方主之

桂枝 二錢

白芍 三錢

甘草 三錢

大棗 二枚

薑 三片

小續命湯

治中風不省人事漸覺半身不遂

口眼喎斜手足顫掉語言蹇澀肢體麻痺精神昏亂頭目眩暈痰火并多筋脈拘急不能

屈伸肢節煩痛不能轉側

防風

一錢四分

桂心

一錢四分

黃芩

一錢四分

白芍

一錢四分

杏仁

一錢四分

甘草

一錢四分

川芎

一錢四分

人參

一錢四分

防已

二錢

麻黃

一錢

附子

七分

棗二枚

薑三片

附易老六經加減法

麻黃續命湯治中風無汗惡寒本方中麻黃

杏仁防風各加一倍

桂枝續命湯治中風有汗惡風本方中桂枝
白芍杏仁各加一倍

白虎續命湯治中風有汗身熱不惡寒本方
中加知母石膏各一錢四分去附子

葛根續命湯治中風有汗身熱不惡風本方
中加葛根一錢四分桂枝黃芩各加一倍

附子續命湯治中風無汗身涼本方中加附

子一倍乾薑甘草各一錢

桂附續命湯治中風有汗無熱本方中桂枝
附子甘草各加一倍

防風通聖散 治諸風驚搐手足痲痺小兒急

驚風大便急邪熱暴盛肌肉蠕動一切風症

防風 五分 川芎 五分 當歸 五分 白芍 五分

大黃 五分 芒硝 五分 連翹 五分 薄荷 五分

麻黃 五分 山梔 五分 石膏 五分 黃芩 五分

桔梗

五分

白朮

五分

荊芥

五分

甘草

五分

滑石

五分

薑

三片

涎嗽加半夏

五分

破傷風加羌活

全蝎

各五分

烏藥順氣散

治風氣攻注四肢骨節疼痛遍

身頑麻語言蹇澁手足不遂先宜多服此藥

以疎氣逆然後隨症投以風藥

麻黃

二兩

陳皮

二兩

烏藥

二兩

川芎

一兩

殭蠶 一兩 白芷 一兩 甘草 一兩 枳殼 一兩

桔梗 一兩 乾薑 五錢

共研爲末每服三錢溫酒調下

加味六君子湯 治四肢不舉屬於脾土虛衰

須服此專治其本不加入風藥

人參 一錢 茯苓 一錢 甘草 一錢

廣皮 一錢 半夏 一錢 麥冬 三錢

竹瀝 半杯

口渴去半夏加玉竹不熱者加附子

貧壽解語湯 治中風脾緩舌強不語半身不

遂

防風 一錢 附子 一錢 天麻 一錢 官桂 八分

棗仁 一錢 羌活 五分 甘草 五分 羚羊角 八分

竹瀝兩大匙薑汁兩滴同沖服

天麻丸 治風因熱而生熱盛則動宜以靜勝
其燥養血通絡兼去腎風

天麻

四兩酒浸

牛膝

四兩酒浸

荜薢

四兩

元參

四兩

杜仲

七兩

附子

一兩

羌活

三兩

獨活

三兩

當歸

十兩

生地

一片

共爲細末煉蜜爲丸如桐子大每服五七十丸空心溫酒下

竹瀝湯 治四肢不收心神恍惚不知人事口

不能言

竹瀝二升

生葛汁二升

生薑汁二合

右三汁和勻分三次溫服

千金地黃湯

治熱風心煩及脾胃熱壅食不

下

生地汁五升

枸杞子汁五升

真酥一升

荆瀝五升

竹瀝五升

人參八兩

茯苓六兩

天冬八兩

大黃四兩

梔子四兩

後五味爲細末納前汁內調勻服一方寸匙
日漸加以利爲度

涼膈散 治心火上盛膈熱有餘目赤頭眩口
瘡唇裂吐衄涎嗽稠粘二便淋閉胃熱發斑
諸風癱瘓手足搐逆

連翹

梔子

薄荷

大黃

芒硝

甘草

黃芩

棗一枚 葱一根

地黃飲子

治舌瘡不能言足廢不能用腎虛

弱其氣厥不至舌下

熟地

巴戟

山茱萸

肉蓯蓉

石斛

附子

五味

茯苓

菖蒲

遠志

甘草水炒

官桂

麥冬

各等分

薑三片

棗一枚

薄荷葉六張

黑錫丹

治真元虛憊陽氣不回陰氣逆冲三

焦不和冷氣刺痛飲食無味腰背沉重膀胱

久冷及陰症陰毒四肢厥冷不省人事急用

棗湯吞一百粒卽便回陽

沉香 一兩

葫蘆巴

一兩酒炒

陽起石

一兩研末水飛

肉桂 五分

破故紙

一兩

白茴香

一兩

肉荳蔻

一兩麩炒

木香

一兩

金鈴子

一兩蒸去皮核

硫黃 二兩

黑錫

二兩去滓

用鐵鍋先炒硫黃黑錫結成砂子於地上出

火毒研令極細餘藥並細末和勻自朝至暮

以研至黑光色爲度酒 丸如梧子大陰乾
入布袋內擦令光瑩每用四十丸鹽薑湯下
急症多者用至百丸

古今錄驗續命湯 治中風身體不能自收口

不能言胃昧不知痛處或拘急不得轉側

麻黃 三兩

桂枝 三兩

當歸 三兩

人參 三兩

石膏 三兩

乾薑 三兩

甘草 三兩

川芎 三兩

杏仁 四十枚

右九味以水一斗煮取四升溫服一升汗出則愈

千金三黃湯 治中風手足拘急百節疼痛煩

熱心亂惡寒經日不欲飲食

麻黃

四分

獨活

四分

細辛

二分

黃芪

二分

黃芩

三分

右五味以水六升煮取三升分三次服一服小汗二服大汗心熱加大黃二分腹滿加枳

實一枚氣逆加人參三分悸加牡蠣三分渴
加瓜瓞根三分先有寒加附子一枚

近效白朮附子湯 治風虛頭重眩苦食不知
味暖肌補中益精氣

白朮 二兩

附子 一枚

甘草

一兩
炙

右三味剉爲末每用五錢薑五片棗一枚煎
七分去渣服

中寒

一陰一陽之謂道。天地萬物莫之能外。陽主發舒。陰主收斂。陽主生長。陰主肅殺。人受二氣之中。以生。陰陽調和。康強壽考。次則陽氣勝者。雖不無少偏。猶足自立。至陰氣一盛。則陽氣漸消。疾病夭折。不可究詰矣。寒者陰氣也。卽肅殺之氣也。寒氣中人。爲禍最烈。仲景欲利濟萬世。著傷寒中寒爲二論。傷寒論十卷。炳如日星。後世奉爲科律。卒病論六卷。自晉以來。久已散失。無

可稽考。然其分爲兩門之意。則可揣而知也。傷寒者。傳變之症。多由發熱而起。經所謂。凡熱病者。皆傷寒之類也。人之陽氣。未至大衰。雖感冒風寒。一時陽爲陰掩。究竟真陽尚在。則陽回氣復。而病亦旋瘳。自有傷寒論以來。後之註釋者。若陳氏柯氏吳氏。代有發明。至喻氏尚論篇。更暢其說。學者融會貫通。可以泛應各當。故此編於傷寒門中。概不置喙。非闕也。實亦無庸更贊。

一詞也。今於中寒門分列數條。蓋恐人不知傳經直中之分。仍以治傷寒之法治中寒。則大不可耳。傷寒者。寒從外來。中寒者。寒從內發。傷寒多發熱之候。中寒則但有厥冷而無發熱之候。此必其人之真陽先虧。坎中之火漸爲水掩。又必有澄寒痼冷。伏於臟府。一遇寒氣。積病猝發。極爲危險。故非氣雄力厚之溫劑。不能斬關奪門。以回真陽於俄頃。非如傷寒傳經之症。可以

按部就班也。見症列後。

真心痛

真心痛者。水來尅火。寒邪直犯君主。腕痛嘔吐。身冷手足青至節。甚則旦發夕死。茯神四逆湯主之。

茯神四逆湯 自製

茯神 二錢

附子 三錢

乾薑 一錢

人參 二錢

甘草 五分

木香 六分

砂仁 一錢

水三鍾煎至一鍾微溫服

厥心痛

厥心痛者。中寒發厥。而心痛也。雖在包絡。然已是心之外府。故手足厥逆。身冷汗出。便溺清利。甚亦朝發夕死。白朮四逆湯主之。

白朮四逆湯 自製

白朮 三錢

附子 三錢

乾薑 一錢

人參 二錢

茯苓 二錢

甘草 五分

大棗 三枚

水三鍾煎一鍾微溫服

直中少陰

腎氣厥逆腹痛下利。手足厥冷。小便清利。茴香
四逆湯主之。

茴香四逆湯 自製

小茴香 二錢

附子 三錢

乾薑 一錢

破故紙 二錢

杜仲 五錢

茯苓 二錢

甘草 五分

大棗 三枚

水三鍾煎一鍾溫服

直中厥陰

肝氣厥逆。脇下及腹中絞痛。下利。手足厥冷。指爪皆青。茱萸附桂湯主之。

茱萸附桂湯 自製

吳萸 七分

附子 二錢

肉桂 八分

當歸 三錢

白芍 一錢五分

白朮 一錢

木香 六分

烏藥 一錢

棗 二枚

薑 三片

中寒門諸方

凡涉傷寒門傳經者不錄

附薑白通湯

治暴卒中寒厥逆嘔吐瀉利色

青氣冷肌膚凜慄無汗盛陰沒陽之症

附子 五錢

乾薑 五錢

葱白 五莖

猪膽 半枚

先將附薑二味煎好後入葱汁膽汁和勻溫服

附薑歸桂湯

治暴卒中寒兼傷營血者

附子

二錢五分

乾薑

二錢五分

當歸

二錢五分

肉桂

二錢五分

水二盞煎至一盞入蜜一蛤蜊殼溫服

附薑歸桂參甘湯

治陽氣將回陰寒少殺

附子

一錢五分

乾薑

一錢五分

當歸

一錢五分

肉桂 一錢五分

人參 二錢

甘草 二錢

大棗二枚 蜜三蛤蜊殼溫服

辛溫平補湯 治暴中寒症服前三方其陽已

回身溫色活手足不冷吐利漸除用此平補

臟府調和營衛俾不致有藥偏之害

附子 五分

乾薑 五分

當歸 一錢

肉桂 五分

人參 一錢

甘草 一錢

黃芪 一錢

白朮 一錢
土炒

白芍 一錢
酒炒

五味子 十二粒

大棗二枚加蜜五蛤蜊殼溫服

四逆湯 治三陰經症四肢厥冷虛寒下利急
溫其臟

甘草二兩 乾薑三兩 附子一枚

右三味以水二升煎一升二合分溫再服

通脈四逆加減湯 治下利清穀裏寒外熱厥

逆惡寒脈微欲絕之証卽前四逆湯 面赤

者加葱九莖腹中痛者去葱加芍藥三兩嘔
者加生薑二兩咽痛者去生薑芍藥加桔梗
一兩利止脈不出者去桔梗加人參二兩

桂枝去芍藥加麻辛附子湯 治中脘痛心下

堅大如盤邊如旋杯水飲所作

桂枝 三兩

麻黃 二兩

細辛 二兩

甘草 二兩

附子 一枚

生薑 三兩

大棗 十二枚

水七升煮麻黃去沫內諸藥煮取二升分三服當汗出如蟲行皮中卽愈

附子粳米湯 治腹中寒氣雷鳴切痛胸脇逆滿嘔吐

附子一枚 半夏半升 甘草一兩

大棗十枚 粳米半升

水八升煮米熟湯成去渣溫服一升

大建中湯 治心胸中大寒痛嘔不能飲食腹

中寒土衝皮起出見有頭足上下痛而不可觸近者

蜀椒二合

乾薑四兩

人參二兩

水四升煮取二升去渣入飴糖一升微火煮取一升半分溫服

大黃附子湯 治脇下偏痛發熱其脈緊弦此寒也以溫藥下之

大黃二兩

附子二枚

細辛二兩

以水五升煮取二升分三服

理中湯 治自利不渴寒多而嘔腹痛脈沉無

力或厥冷拘急或結胸吐衄

白朮

二兩
土炒

人參 一兩

乾薑 一兩
炮

甘草

一兩
炙

每服四錢 自利腹痛加木香利多者倍白

朮 渴者倍白朮 倦臥沉重利不止加

附子 腹滿去甘草 臍下動氣去朮加

桂 悸加茯苓 胸痞加枳實 吐衄加

川椒烏梅

回陽救急湯 治身不熱頭不痛惡寒戰慄四肢厥冷腹痛吐瀉指甲唇青或無脈或脈沉遲無力

附子 五分

乾薑 五分

肉桂 五分

人參 五分

白朮 一錢

茯苓 一錢

半夏 七分

陳皮 七分

甘草 二分

五味子 九粒

無脈加猪膽汁

暑熱濕

四序流行。春生夏長。秋收冬藏。故春爲風木。秋爲燥金。冬爲寒水。各司其令。惟夏則暑熱濕三氣迭乘。合操其柄。此蓋大化循環之運。不期然而然。而亦不得不然也。所謂不期然而然者何也。天一生水。貞下起元。由水生木。由木生火。至是而天氣下降。地氣上騰。大生廣生。百物蕃阜。

此所謂不期然而然者也。所謂不得不然者何也。夏爲火令。秋爲金令。由夏入秋。乃火下起金。不惟不能相生而反相尅。秋令不幾於或息乎。全賴地氣上騰。長夏土旺。由火生土。藉土生金。此又大化斡旋之妙用。四序方得流行。生尅方不顛倒。所謂不得不然者此也。但暑熱之氣自上而下。濕氣自下而上。人在其中。無時無處不受其薰蒸燔灼。致病已非一端。又況起居不慎。

飲食不節其受病尚可問乎金匱有痙濕喝之
訓後賢推而廣之立方愈多醇駁互見蓋傷寒
有痙病時邪亦有痙病而時邪之痙與傷寒之
痙又復不同三氣之痙只須究其致病之由或
由風熱或由暑熱或由濕熱見症治症直截了
當若牽涉傷寒之痙較量比例雖繁稱博引更
令人滋惑矣且三氣爲病非有沉寒痼冷如冬
月傷寒之比若拘執太陽篇中之痙病動輒麻

醫○西○州○方○卷○一
黃○桂○枝○何○異○抱○薪○救○火○乎○茲○特○舉○症○於○前○列○方○
於○後○使○閱○者○了○然○釋○然○

剛○瘧

剛○瘧○者○頭○痛○項○強○手○足○搐○逆○甚○則○角○弓○反○張○發○
熱○無○汗○此○風○熱○盛○也○熱○傷○榮○血○筋○脈○暴○縮○風○入○
經○絡○肢○節○拘○攣○風○熱○合○而○爲○病○赤○芍○連○喬○散○主○
之○

赤○芍○連○喬○散○ 自○製

赤芍

一錢五分

連翹

二錢

葛根

二錢

花粉

三錢

豆豉

三錢

防風

一錢

薄荷

一錢

獨活

一錢

甘草

四分

經霜桑葉二十張

柔痙

柔痙者。身體重着。肢節拘攣。有汗而熱。暑熱爲天之氣。其來甚速。其去亦甚速。體重筋攣。乃熱邪爲濕所留。故有汗而熱不退也。白朮苡仁湯。

主之

白朮苡仁湯

自製

白朮

一錢

茅朮

一錢

苡仁

八錢

茯苓

三錢

當歸

一錢

赤芍

一錢

薄荷

一錢

連翹

一錢

花粉

三錢

甘草

四分

鮮荷葉一角

傷暑

傷暑者汗多體倦渴而引飲心煩脈虛加味白
虎湯主之

加味白虎湯

自製

石膏

五錢

知母

一錢

人參

一錢

茯苓

二錢

山藥

三錢

麥冬

二錢

石斛

三錢

甘草

四分

粳米一合煎湯代水

中暑

猝然而倒昏不知人。身熱口噤。此熱邪內犯君
主。黃連滌暑湯王之。

黃連滌暑湯 自製

黃連 五分

黃芩 一錢

梔子 一錢五分

連翹 一錢五分

葛根 二錢

茯苓 二錢

半夏 一錢

甘草 四分

傷熱

暑濕氣合鬱爲大熱。五心煩躁。坐卧不安。渴飲。

胸痞此三氣迭乘已成燎原之勢宜急下存陰。

三焦通治三解湯主之。

三解湯 自製

黃連 五分

黃芩 一錢

大黃 四錢

梔子 一錢五分

花粉 二錢

連翹 一錢五分

半夏 一錢

茯苓 二錢

木通 一錢

澤瀉 一錢五分

青荷梗 一尺

傷濕

傷濕者四肢倦怠食少胸痞加味神朮湯主之
加味神朮湯 自製

白朮 一錢

茅朮 一錢

當歸 一錢五分

茯苓 二錢

苡仁 四錢

厚朴 一錢

砂仁 一錢

半夏 三錢

佩蘭葉 一錢

川牛膝 一錢五分

荷葉 一角 薑兩片

嘔吐

暑月嘔吐乃飲食不節外感不正之氣也四正散主之

四正散 自製

藿香

一錢五分

茅朮

一錢

厚朴

一錢

砂仁

一錢

茯苓

二錢

廣皮

一錢

半夏

一錢

神麴

三錢

淡竹茹

八分

薑汁

兩小匙

沖服

泄瀉

暑月泄瀉。乃貪涼受寒。過食生冷。腸胃受傷。所致。和中化濁湯主之。

和中化濁湯 自製

茅朮 一錢

厚朴 一錢

茯苓 二錢

枳殼 一錢

青皮 一錢

砂仁 一錢

木香 五分

烏藥 一錢

炭查 三錢

神麴 三錢

車前 二錢

荷葉 一角

煨薑 三片

霍亂轉筋

暑月受邪。鬱於中焦。上吐下瀉。手足厥冷。筋脈
抽掣。化逆湯主之。

化逆湯 自製

黃連 六分

吳茱萸 三分

厚朴 一錢

青皮 一錢

藿香 一錢五分

木瓜 一錢

木香 五分

白蔻 六分

獨活 一錢

烏藥 一錢

茯苓 四錢

茯苓 二錢

各半水煎服

發黃

脾經受濕胃經受熱鬱蒸發黃加味茵陳湯主之

加味茵陳湯 自製

茵陳 二錢

木通 一錢五分

赤苓 三錢

澤瀉

一錢五分

苡仁

一兩

茅朮

一錢

厚朴

一錢

薄荷

一錢

青皮

一錢

藕三兩。苡仁一兩。同煎湯代水。

甘草四分。

柏仁二錢。革薢二錢。澤瀉一錢。車前二錢。

天冬二錢。生地四錢。沙參四錢。丹參二錢。

加味三才湯自製。

虛體夾濕淋濁不痛。加味三才湯主之。

苡仁一兩。煎湯代水。

澤瀉一錢。車前二錢。甘草四分。

葶藶

二錢

花粉

二錢

瞿麥

二錢

丹皮

二錢

赤芍

一錢

木通

一錢

牡丹皮湯

自製

主之

濕熱內蘊移於下焦。小溲混濁作痛。牡丹皮湯

淋濁

青荷梗

一尺

車前

二錢

附三氣門諸方凡涉傷寒門瘕病者不錄

海藏神朮湯 治內傷冷飲外感寒邪而無汗

者

蒼朮 二兩

防風 二兩

甘草 一兩

葱白生薑同煎服

白朮湯 治內傷冷物外感風寒有汗者

白朮 三兩

防風 二兩

甘草 一兩

每服三錢薑三片煎服

人參瀉肺湯 治肺經積熱上喘咳嗽胸膈脹
滿痰多大便澁

人參 黃芩 梔子 枳殼 薄荷
甘草 連翹 杏仁 大黃 桑皮
桔梗 各等分

每服七錢水二盞煎八分服

天門冬散 治肺壅腦熱鼻乾大便秘澁

天冬 八分 桑皮 八分 升麻 八分

大黃

八分

枳殼

八分

甘草

八分

荆芥

一錢

水二盞煎八分食後服

赤茯苓湯 治膀胱濕熱小便不通口苦舌乾

咽喉不利

赤苓 猪苓 葵子 枳實 瞿麥

木通 黃芩 車前 滑石 甘草 各等分

薑三片煎八分服

龍腦雞蘇丸 除煩熱鬱熱肺熱咳嗽吐血鼻

衄消渴鬱滯膈熱口瘡清心明目

薄荷

一兩六錢

生地

六錢

麥冬

四錢

蒲黃

二錢

阿膠

二錢

黃芪

一錢

人參

二錢

木通

二錢

甘草

一錢

銀柴胡

一錢

共研末蜜丸如梧子大每服二十九丸

利膈散 治脾肺大熱虛煩上壅咽喉生瘡

薄荷 荊芥 防風 桔梗 人參

牛旁子 甘草 各一兩

共爲末每服二錢不拘時沸湯點服

地黃煎 治熱積

地黃 一斤 茯苓 四兩 知母 四兩

玉竹 四兩 花粉 四兩 麥冬 四兩

人參 二兩 石膏 八兩 地骨皮 四兩

共研末加白蜜竹瀝薑汁爲丸如梧子大每

服三十丸

碧雪 治一切積熱咽喉口舌生瘡心中煩躁
及天行時熱發強昏憤

芒硝 朴硝 硝石 馬牙硝 青黛

石膏 寒水石 水飛 甘草 各等分

先將甘草煎湯二升去渣入諸藥再煎用柳
木棍不住手攪令消溶得所再入青黛和勻
傾入砂盆內候冷凝結成霜研爲細末每用

少許含化津嚥不拘時候如咽喉壅閉以小竹筒吹藥入喉中卽愈

麻黃杏子薏苡甘草湯 治一身盡痛日晡發熱此傷於汗出當風風濕爲病也

麻黃

四兩

甘草

一兩

薏苡

半斤

杏仁

七十粒

每服四錢煎八分有微汗避風

防已黃芪湯

治風濕相乘身重汗出惡風

防已

一兩

甘草

五錢

白朮

七錢

黃芪

一兩
二錢

共剉細每用五錢大棗一枚薑三片水煎八分服服後當如蟲行皮中從腰下如水暖坐被上又以一被繞腰以下令微汗

和劑五積散

治感冒寒邪頭疼身痛項背拘

急惡寒嘔吐內傷生冷及寒濕客於經絡

白芷

三兩

茯苓

三兩

半夏

三兩

當歸 三兩

川芎 三兩

甘草 三兩

肉桂 三兩

白芍 三兩

枳殼 六兩

麻黃 六兩

陳皮 六兩

桔梗 十二兩

厚朴 四兩

乾薑 四兩

蒼朮 四兩

每服四錢薑三片葱白三根煎七分熱服

活人敗毒散 治瘟疫風濕風痰頭痛目眩憎

寒惡熱山嵐瘴氣

羌活 一兩

獨活 一兩

前胡 一兩

柴胡

一兩

茯苓

一兩

枳殼

一兩

桔梗

一兩

人參

一兩

甘草

五錢

共爲末每服二錢水二盞薑三片煎七分溫

服

清熱滲濕湯

治熱濕鬱蒸煩熱食少神倦

黃柏

二錢
鹽水炒

黃連

五分

茯苓

二錢
五分

澤瀉

二錢

蒼朮

二錢
五分

白朮

一錢
五分

甘草

五分

水二鍾煎八分服

二朮四苓湯 治諸濕腫滿一身盡痛發熱煩
悶二便不利

白朮 蒼朮 茯苓 猪苓 澤瀉

黃芩 羌活 芍藥 梔子 甘草 各等分

薑三片燈心一撮煎服

羌活勝濕湯 治脊痛項強腰如折項如拔上

衝頭痛

羌活

一錢

獨活

一錢

藁本

一錢五分

防風

一錢五分

蔓荊子

一錢

川芎

八分

甘草

四分

水煎八分溫服

除濕湯

治寒濕所傷身體重着腰脚酸疼大

便澹泄小便或瀉或利

半夏麴

二錢

厚朴

二錢

蒼朮

二錢

藿香葉

一兩

陳皮

一兩

甘草

七錢

白朮 一兩

茯苓 一兩

每服四錢棗二枚薑三片

人參白虎湯

治傷暑汗多而渴

知母 六錢

石膏 一斤

甘草 二兩

粳米 一合

人參 三兩

水一斗煮米熟湯成去渣溫服一升

清暑益氣湯

治傷暑四肢倦怠胸滿氣促肢

節疼或氣高而喘身熱而煩心下痞脹小便

黃數大便溏泄口渴不思飲食自汗體重

人參 一錢

黃芪 一錢

升麻 一錢

蒼朮 一錢

白朮 五分

神麴 五分

陳皮 三分

炙草 三分

黃柏 三分

麥冬 三分

當歸 三分

乾葛 三分

澤瀉 三分

青皮 三分

五味子 三分

水煎服

生脈散

治熱傷元氣肢體倦怠氣短懶言口

乾作渴汗出不止

人參 麥冬 五味子 各等分

水煎服

竹葉石膏湯 治暑熱煩燥

石膏 一兩 半夏 二錢

人參 三錢

麥冬 三錢 甘草 二錢

竹葉 二十張

薑三片水煎服

香薷飲 治一切暑熱腹痛或霍亂吐瀉煩心

等症

香薷一斤

厚朴八兩

白扁豆八兩

水煎服 加茯苓甘草名五物香薷飲

去扁豆加黃連名黃連香薷飲

十味香薷飲 治伏暑身體倦怠神昏頭重吐

利

香薷

人參

陳皮

白朮

茯苓

黃芪

木瓜

厚朴

扁豆

甘草

各五錢

每用一兩水煎服

桂苓甘露飲

治伏暑發渴脈虛水逆

茯苓

一兩

澤瀉

一兩

白朮

一兩

石膏

一兩

滑石

四兩

寒水石

一兩

猪苓

五錢

人參

一兩

甘草

一兩

乾葛

一兩

木香

一兩

藿香

一兩

肉桂

共爲末每服三錢溫湯調下

五苓散 治暑濕爲病發熱頭疼煩躁而渴

白朮

一兩五錢

茯苓

一兩五錢

猪苓

一兩五錢

澤瀉

二兩五錢

桂枝

共爲末每服二三錢熱湯調下

三黃石膏湯

治濕火熾盛

黃連

五分

黃芩

一錢

黃柏

一錢

石膏

三錢

元參

一錢

山梔

一錢

知母

一錢五分

甘草

七分

水煎服

蒼朮白虎湯

治煩渴汗多舌胎白膩

蒼朮 二錢

石膏 五錢

知母 一錢五分

甘草 五分

粳米 一撮

水煎服

六和湯 治心脾不調氣不升降霍亂吐瀉寒

熱交作胃暑伏熱煩悶成痢

香茹 三錢

砂仁 五分

半夏 五分

杏仁 五分

人參 五分

甘草 五分

赤苓 二錢

藿香 一錢

扁豆 二錢

厚朴 一錢

木瓜 一錢

紅棗 五枚

薑 三片

消暑丸 治伏暑引飲脾胃不利

半夏 一斤

甘草 八兩

茯苓 八兩

薑湯糊爲丸如梧子大每服五十九

地榆散 治中暑昏迷不省人事欲死者并治

煩躁口苦舌乾頭痛惡心不思飲食及血痢
地榆 赤芍 黃連 青皮 各等分

每服三錢水煎服

大順散 治胃暑伏熱引飲過多脾胃受濕水
穀不分清濁相干陰陽氣逆霍亂嘔吐

甘草

乾薑

杏仁

桂枝

各等分

共爲末每服二三錢湯點服